

JONASHI

Jonashi irishigapitsatanakerimera Tasorintsi

1 ¹Impogini yogari Tasorintsi iniakeri Jonashi^a itomi Amitai ikantiri:
²“Maika piatakera apatovagetara pankotsi paitacharira Ninive^b pinkamantaigakerira timaigatsirira kara pinkante: ‘Ikantake Tasorintsi: Nompogereaigakem-pira viroegi, noneaigakempitari povetsikagisevageigakera terira onkamentite.”
³Kantankicha irirori tera inkoge iriatakera anta, ontityo yovetsikanaka irishigapitsatanakerimera Tasorintsi iriatakera Tarisuku ganiri itigankiri Niniveku inkamantantakera. Impo iatake Jopekum inepaakero omarane pitotsi oatanake Tarisuku. Ipunatanake iramanankenkanira yomatetanaka iriatakemera anta irishigapitsatanakerimera Tasorintsi. ⁴Kantankicha iroro yamaatakoigavetanakara omaraaniku nia yogari Tasorintsi ikantake ontampiatanakera omarane tampia ovashi otampiavagetanaketyo kara jiriririri ovoresekantanake panikyatyo ontintsiraanakero pitotsi. ⁵Maganirotyo marineroege itsarogavageiganaketyo kara paniropage ikaemageigamatityo kara iniaigakerira itasorintsiegite. Yovuokaageigakero arakintsipage gasakonaniri otenatai,

kantankicha yogari Jonashi onti yaguitanake savi oteniku imagasevagetakera.

⁶Impo yogari itinkamiegi marineroege ishigatematanakarityo ikantiri:

—¿Antari gara pikañota? Vinti pochokisenari. Tinaanakenityo piniakerira pitasorintsite irirorakari tsarogaka-gaigakaene irogavisaakoigakaera ganiri okajaiga.

⁷Impo ikantavakagaiganaka maganiro:

—Atsi tsame asokagaigakerora mapukicho ogotantaganirira kameti agotantaigakemparora tyanirikara kañotagantaigakaira maika.

Impo isokagaigakero inti okatinkatanake Jonashi. ⁸Iroegi ikantaigiri:

—Atsi kamantaigena tyara okantakara okañotanakara maika. ¿Tataty oitara pipirinentira viro? ¿Tyaratyo piponikara? ¿Tyaniratyo pitovaireegi?

⁹Irirori ikanti:

—Nanti evereo, inti nokematsati Tasorintsisanorira timatsirira enoku vetsikagetakerorira omaraani nia ontiri aikiro kipatsi.

¹⁰Impo iriroegi itsarogavageiganaketyo kara ikantaigiri:

—¿Antari gara pikañotiro maika?

Yogoigaketari onti ishigapitsatanakera irirori. Impo ikantaigiri:

a 1.1 Yogari Jonashi ikamantantake pairani tekyara iramanankenkani iseraereegi Asuriaku. 2 Kov. 17.1-14, 22-23. **b 1.2** Ogari Ninive onti otinkamitakarira Asuria. Yogaegiri timaigatsirira kara tera iriroegi iseraereegi, iriroegitari gaveaigakeririra iseraereegi impogini ovashi yamaiganakeri igipatsiteku yashintaigakarira.

¹¹—Maika ÷tyara nonkantaigakempira kameti ompeganaempaniri tampia ganigera ovoretai?

Ineaigavakerotari ariompari ovorese-kantanakeri. ¹²Irirori ikanti:

—Noshikaigenaty povuokajaigake-nara kameti ompeganaempaniri tampia ganigera ovoretai, narotari kañotagan-taigakempi maika.

¹³Impo iriroegi ariompatyo ipomirin-tsinai gavetakaro ikomajaigavetakarora iragatakoigakemera, kantankicha teraty iragaveaige, ariompatari ovoresekantasanotanakeri. ¹⁴Impo iniaigamatanakerityo Tasorintsi ikaema-geigamatityo kara ikantaigi: “Tasorintsi, atsi gara pikisaviiganari yoka, gara pitentagantaiganari nokajaigakempara. Maika nokajaigakeririka gara pikenkia-kotiri, virotari kogankitsi onkañotakem-para maika.”

¹⁵Impo inoshikaigakeri Jonashi yovuokajaigakerira ogaty okenake omaireatanai. ¹⁶Impo iriroegi yogava-geiganaketyo kavako ipinkaiganakerira Tasorintsi yovetisaigakeneri piratsi ikantaigakeri inkematsaigakerira.

Imarane omani inigakerira Jonashi

¹⁷Kantankicha Tasorintsi itigankake omani^c imaranesanorikatyo kara inigavakerira. Ario kara imagakotake imotiaku mavati kutagiteri.

2 ¹Antari anta imotiaku iniakeri Tasorintsi ²ikantiri:

“Viro Tasorintsi, antari nokenkisu-reavagetakara noniakempi pikemakena.

Noneavakara panikyara nonkamanake noniakempi pikemakenatyo.

³Povuokaataka saviaku omaraa-niku nia

noshintsiatkovagetanaketyo kara. Antari ovoresekantanakera apaman-kakotanakenatyo, virotari kantankitsi onkañotakempara maika.

⁴Impo nokantake vinti okakena, maika garatyo noneimatairo pivanko.

⁵Nonake saviaku otsompogiatira. Noneavaka panikyatyo nonkama-nake. ...

⁶...Kantankicha viro pagavaana kañomataka ontinirikatyo poganiaana.

⁷Antari noneavakara tyampa nonkantanaempa vintityo nosuretanaka. Noniakempi impo viro pikemakena anta pivankoku.

⁸Yogaegiri ventaigakaririra ipegage-taganirira tasorintsi kogapage tyampa pinkantaigakeri pintsarogakagaigakemparira,

⁹kantankicha nro nomatikaventa-kempityo viro novetisakempi piratsi nontagakem-pirira.

Nontsatagakero nokantakempirira maika, panirotari pikantara viro pogavisaa-kotantira, pogavisaakotakenatyo.”

¹⁰Impo yogari Tasorintsi itigankakeri omani iriatakera otsapiaku inkamaran-kakotaerira. Impo ario okañotaka.

Ikantatigaiganakara Ninivekunirira

3 ¹Impogini yogari Tasorintsi iniairi aiikiro Jonashi ikantiri: ²“Maika plate Niniveku pinkamantaigakerira nonkantakempirira.”

c 1.17 Tera ogotenkani tyara ipaita nigakeririra Jonashi, kantankicha onti itimi omaraaniku nia ariorika ikañovetakari omani.

³Irirori itsatagakero ikantakeririra iatake. Antari Niniveku otovaigavageti-tyo pankotsi kara. Antari antsotenkakerorika onti anuitakera mavati kutagiteri.

⁴Impo yogonketakara Jonashi itsititana-kero ikenkitsatanakera imaraenkarika-tyo kara. Yanuivagetake kigonkero ichapinitakotanake ikantaigakerira maganiro ikanti: “iAganakempara 40 kutagiteri impogereaigakempi Tasorintsi!”

⁵Impo iriroegi ikematsaigake ikantai-gake impitashiigakemparora kogapage gara isekatumaiga. Imirinkaegi yogagui-gaka tontaporokiri, ikenkisureavageigakatari. ⁶Antari ikemakera koveenkari imamatanakatyo irirori, yaguitanake ipitira, isapokanakaro yogagutarira, irorokya yogagutanaka tontaporokiri ipirinitake samamposeku. ⁷Impo ikantakagantaigakeri maganiro Ninivekunirira ikanti: “Ikantake koveen-

kari intiri inampinaegi garatyo tyani sekatumatacha. Arioty inkañoigake aikiro piratsipage vaka intiri ovisha garatyo ipumatagani iseka, aikiro garatyo ipumatagani imire. ⁸Maganiro-tyo Ninivekunirira onti irogaguigakempa tontaporokiri. Ario inkañotagai-gakenkani aikiro piratsipage onti impashimititsatakenkani tontaporokiriku. Maganiro Ninivekunirira iriniaigakerira Tasorintsi irapakuaiganakerora yovetsikagisevageigira terira onkame-tite, ganigera yogantaigai, aikiro ganigera yagapitsatantavageigai. ⁹Ariorika inkantatigaempa Tasorintsi irapitsimareanaempara ganiri ipogereai-gajai.”

¹⁰Impo yogari Tasorintsi ineaigakerira ikañoigakara maika ikantatigaiganakara yapakuaiganakerora yovetsikagisevageigira terira onkametite ovashi yapitsima-reanaa tera impogereaigeri.